



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Articulus IV. De confessione extrajudiciali.

[urn:nbn:de:hbz:466:1-73001](#)

s̄is, ut faciat aliquam probationem, ex L. quoniam, C. de testibus, c. 1. & 3. q. 3. plures sunt, qui censeant, nullo ex ipsis modo de se confessum, interrogari posse de aliis, etiam non obstante, quod confessus sit proba vita, vel infamia notatus reperiatur; nec etiam refert, quod simpliciter illud fateatur, vel excusatione adjecta; quia nullo ex his casibus de se confessio super sociis creditur, ut in praesertim docetur. Ratio hujus redditur. 1. ex L. deferre, §. 1. ff. de jure fisci, ne videlicet alienam salutem in dubium ducat, qui de sua desperavit. Deinde ex L. ult. §. se autem, ff. de bonis eorum; qui sibi non pepercit, multo minus alius parcer; quod firmat Quintilianus declarat. 292. his verbis: nec credibile est, eum pepercisse hospiti, qui sibi non pepercit; 3. quia socius criminis criminosus est, sed criminosis prohibetur testimonium dicere, c. super eo 13. cit. c. testimonium, de testibus; præcipue, quia qui simili morbo laborat, affectionem censetur habere ad causam socii, ut peccatum proprium minus culpabile habeatur. Quare qui similem causam habent, solent repellere a testimonio, c. per tuas 20. de testibus: sicut & Judices esse nequeunt, similem causam habentes, c. causam 18. de iudic.

1421. Dices: saltem permittendum erit Judicii, inquirere, & interrogare de se crimen confessos ad inquisitionem, cum interfit Republicæ, ne delicta maneant impunita, L. Locutio §. quod illicite, ff. de publ. iudic. Ad hoc responderetur, ut Judex ad inquisitionem specialitem procedat, necessarium esse, quod rei diffamatio præcedat, c. veniens 15. de accusat. testimonium autem socii, si alia non præcedant indicia, quorum aestimatio arbitrio Judicis relinquitur, ex traditis per Farinac. de indicis, q. 73. ad inquisitionem idoneum non censetur; de quo V. plura l. 5. tit. 1. a. n. 108. ubi etiam a. n. 162. respondimus ad eam quæstionem, an confessus, vel convictus de uno crimen, possit inquiri super sociis occultis, non laborantibus ullâ infamia? & n. 163. respondimus, non posse regulariter, propter inibi appositas limitaciones. An autem, & qualiter confessio facta præcedente juramento (*sincerè respondendi ad interrogata, vel, quod dicturus sit plenam, & meram veritatem*) recipiat ex post facto excusationem? expo-

1422. sumus cit. l. 5. tit. 1. a. n. 192. & ex hoc deducitur confessionem criminosi contra complicem occultum non facere probationem sufficientem etiam ad inquirendum, nisi in casibus exceptis, de quibus egimus l. 5. a. n. 162.

Altera quæstio est, an propterea, quod Reus in judicio confiteatur contra alios de crimine, tanquam complices suos, talis confessio sufficienter probet pœnâ dignos? Resp. quod non, nisi alii modis de ipsorum delicto constituerit; quia confessio de reatu proprio confidentis, non est admittenda contra quemlibet, excepto crimine læse Majestatis, idquæ propter periculum, ne quandoquæ puniatur innocens propter malitiosam frequenter confessionem hominum criminorum; quod maximè procedit in causis criminalibus ad vindictam publicam, quando confessio exprimitur per torturam, de qua V. Haunold. tom. 6. tr. 3. a. n. 355. Est enim res periculi plena; ne etiam innocentis, qui gravibus quandoquæ torturis subjiciuntur, vici doloribus fateantur contra se crimen; vel contra innocentis, ut certa experientia constat.

Etenim, inquit Ulpianus scribens de Quæstionibus in L. 1. §. 23. res est fragilis, & periculosa, & quæ veritatem fallat; nam plerique, patientia, sive duritiam tormentorum ita tormenta contemnunt, ut exprimi eis veritas nullo modo possit: *alii tantum sunt impatientia, ut quodvis mentiri, quam pati tormenta velint;* quo colligitur, ejusmodi confessionem, frequenter esse dubiam; nec indefinitè præstare certam probationem; quod maximè contingit in torturis valde atrocibus, ac longo tempore durantibus, de quibus Paulus III. in sua constitutione 58. ubi prohibet Reum in tortura detineri per longum temporis spatium unius aut plurium horarum; & sic (inquit Farinaci) vix videtur concedere potestatem, Reos torquendi per horam.

ARTICULUS IV.

De confessione extrajudiciali.

1423. Supponend. confessionem extra iudicium posse fieri. 1. parte adversa præsente, & adiecta causâ specialiter expressâ, ut si

ut si quis præsente Titio dicat, fateor me debere Titio centum, v.g. ex mutuo; 2. causa non specialiter expressa v.g. fateor me debere Titio centum, non exprimendo titulum, seu causam debiti, an ex mutuo, empto, &c. 2. confessionem extrajudicialem præsente Adversario fieri posse vel solum ad libera ndum (puta si quis illi dicat, fateor, te mihi nihil debere) vel ad obligandum se, vel par tem adversam, puta, si dicat, fateor me tibi debere, vel, te mihi debere; 3. posse fieri per verba dispositiva; vel merè narrativa, ut, potest esse, quod tibi debeam centum; his positis:

1425. Quæstio est, quam vim probandi habeat confessio extrajudicialis? Resp. quod, si per duos testes probetur, factam esse confessio nem extra judicium, præsente Adversario, & causa expressa, talis confessio plenè probet contra confidentem, nisi confitens clare probet, se indebitè confessum esse, v.g. per errorem, lapsu linguae, &c. probatur 1. ex c. si cautio i 4. de fide instrume nt. ibi: si cautio, quam à te indebitè proponis expositam, indeterminatè loquatur, Adversarius tuus tenetur ostendere debitum, quod continentur in ea: sed, si causam, propter quam hujusmodi scriptum processerit, expresseris in eadem: confessio tua statu: nisi probaveris te id indebitè promississe; quem textum, quoad effectum principallem, nimirum plenæ probationis, committit iter exponunt Doctores, quando confessio extrajudicialis habet simul, quod facta sit expressa causâ debendi, coram Adversario; sic Ulpianus in Rational. juris Pontific. l. 2. pag. 200. &c. alii; secus, si facta sit, non expressa causa, ut patet ex textu, ibi: si cautio indeterminatè loquatur, Adversarius tuus tenetur ostendere debitum, quod continentur in ea; idem habetur in L. Cùm de indebito §. sin autem 4. ff. eod. ibi: sin autem cautio indebitè exposita esse dicatur, & indiscretè loquitur: tunc enim, in quem cautio exposita est, compelli debitum esse, ostendere, quod in cautionem deduxit; nisi ipse specialiter, qui cautionem exposuit, causas explanavit, pro quibus eandem conscripsit: tunc enim stare eum oportet sua confessio: nisi evidenter, in probationibus in Scriptis habitis ostendere paratus sit, sese hæc indebitè promississe; ubi gloss. V. indiscretè, exponit, non expressa causâ; nam actio

debet fundari in titulo, qui probetur; ergo ubi confitens non exprimit titulum, seu causam debendi, ex confessione non habetur probata, consequenter vim non habet plenè probandi; facit semiplenam probationem adjectâ speciali causâ debendi, etiam absente parte; si vero hæc præsente patte, nec expressa causâ debendi, nullam; ita nec indicitum; sic Maranta tit. de ord. judic. p. 6. tit. de Confess. d. n. 2. & alii.

Dixi, quod confessio extrajudicialis, expressa causâ debendi, sed absente Adversario facta, solum semiplene probet; præsente autem, plenè; sed hoc primam partem hujus dicti variè limitari à Doctoribus. 1. nisi facta sit per instrumentum, scilicet in Scriptis, quia tunc etiam, absente parte facta, plenè probat, per L. Generaliter 13. C. de non numerat. pecun. quod aliqui etiam censem, si juratus confessus est extrajudicialiter; sed hæc confessio, quantumvis strata, est probatio solum præsumpta; quatenus, ob reverentiam juramenti, confitens præsumitur deliberatè, ac cum scientia Confessus esse. 2. Limitant aliqui, ut si fuisse gemitata, nimis diversis temporibus facta, plenè probet; sed & hæc probatio est solum præsumpta, & quidem non juris de jure, sed præsumptione juris tantum; limitant 3. ut etiam tunc plenè probet, si facta sit per verba dispositiva, non autem merè narrativa.

1427. Quæstio ulterior est, an, ut confessio extrajudicialis obliget confidentem, necessè sit, quod acceptetur à parte præsente? In hoc videtur dicendum negativè, nisi confessio fiat de actu aliquo (v.g. promissione, donatione, vel simili) prius non intimato parti, nam hæc, quamdiu acceptata non sunt, revocari possunt, ut tradidimus l. 4. decret. tit. 1. à numer. 7. Ratio autem prioris est; quia si præcisè queritur veritas (v.g. an Titius à Caio accepit mutuum?) verum erit, accepisse, si Titius id confiteatur, consequenter teneri Caio, esto hanc confessionem non acceptet Caius; nam ratio debiti ex mutuo non pendet à confessione, consequenter nec ab ejus acceptatione; quamvis, si non constet, aut aliundè probetur debitum, innotescat, & probetur ipso debitore id confidente.

Quæstio est 2. an confessio facta in testa-

stamento, vel mortis articulo (puta, si Titus confiteatur, se tale debitum remississe Caio) probet etiam contra hæredem confidentis? Resp. quod sic, ex aperata L. 1. C. de falsa causa adjecta legato, ibi: verba testamenti, que inseruisti, aut solutam pecuniam debitam Testatori declarant, aut voluntatem ejus liberare voluntis debitorem, manifeste ostendunt; & ideo, aut peti non potest, quod solutum est; aut ex causa fideicommissi, ut debitor liberetur, agendum est; nisi liquidò probari possit, eum non liberari debitorum voluisse; sed errore lapsum solutam sibi pecuniam existimasse; deinde L. 4. ibid. si dote, ut proponis, defunctā in matrimonio uxore tuā patri ejus reddidisti, vel etiam eā non redditā testamenti verbis munitus es, quibus se recepisse dotem universam; quoniam Socer tuus significavit, ne hoc nomine conveniaris, sollicitè agere non debes; cùm aut soluta dote nulla superstet actio; aut non redditā adversus potentem, juxta defuncti voluntatem, parata sit exceptio.

1429. Quæstio 3. est, an idem procedat in casu, quo testamentum foret irritum quoad hæredis institutionem, vel alias dispositiones ex defectu solennitatum? Resp. quod sic; nam, ut confessio proposito tertio, & probet contra confidentem, sufficit, quod constet de ipsius mente, seu veritate rei pendentis à propria ejusdem voluntate; quod non evertitur, si alio vitio laboret testamentum; qualiter suprà diximus valere confessionem in judicio factam, esto propter judicii ordinem non servatum processus non valeat; nec obstat, quod unius confessio non noceat alteri, sed tantum confidenti; hoc enim procedit in casu, quo inter confidentem, & alterum est alternitas juridica; hæres autem juridice idem est, cum Testatore.

1430. Quæstio est 4. an idem procedat in casu, quo Testator confiteretur, se debitorem esse Titio? Resp. quod, sic, nisi hæres probaret, nullam debiti causam subesse; nam eo casu Titius non posset debitum exigere, tanquam aliundē debitum immediate; sed solum tanquam debitum ex titulo fideicommissi; prima pars ex eo est; quia ponimus, hæredem probare, nullam subesse causam, ex

qua aliundē debitum sit: secunda vero constat ex L. 93. ff. de legat. 3. q. i. ubi quidam in testamento sic scriptis: Semproniae mulieri mea reddi jubeo ab hæredibus meis centum aureos, quos mutuos acceperam: quælitum est, si hanc pecuniam, ut debitam Sempronia petens victa sit (nempe quia hæredes probârunt, nullum mutuum datum fuisse) an fideicommissum peti possit; respondit, secundum ea, qua proponerentur, posse ex causa fideicommissi peti, quod apparuerit, non fuisse ex alia causa debitum.

Licet Doctores ex c. 2. b. t. communiter deducant, posse ordinariā poenā puniri eum, qui in judicio, etiam incidenter, confessus est crimen, si confessionem secuta est inquisitio, & crimen ex hac deprehensum (Canonicus enim in judicio civili super electione confessus fuerat, se accepto pretio votum suum dedisse uni ex electis; & ob id ab omni officio, & beneficio depositus fuit) pluribus impugnari solet ea doctrina. Nam i. sine legitimo Accusatore nemo debet poenā ordinariā puniri; Judge enim debet juxta formam libelli in judicio propositi sententiam proferre tam in civilibus (L. ut fundus ff. Communi dividendo) quam etiam in criminalibus; c. qualiter. 24. de Accusat. & c. Licet, de Simonia: sed ubi crimen incidenter detegitur, nulla est accusatio; ergo; in dict. autem c. 2. crimen Simoniæ ab illo Canonicō solum incidenter detectum est; quia solum civiliter agebatur ad nullitatem electionis; ergo non debet ordinariā poenā puniri, etiam secutā inquisitione, qui crimen in judicio solum incidenter confessus est.

Secundò, cùm proceditur extraordi-¹⁴³¹nario modo (nimis per inquisitionem) non poena ordinaria, sed extraordinaria imponenda est, ut tradit Bartoli in cit. c. 2. n. 4. ergo etiam in præsenti, alias stando in decisione dicti c. 2. ultra intentionem Actoris sequeretur condemnatio, contra L. 19. ff. de reb. credit. & c. fin. de jurejurand. in 6. Tertiò, quia sponte Confessus crimen, & non convictus, mitiūs punitur, & non poenā ordinariā, per c. fin. de furtis, ubi fur Sacilegus, quia sponte Confessus est crimen, & Ec-

& Ecclesiae satisfecit, mitius punitus est, quām aliās merebatur delictum; & ita tradunt communiter Tiraquel. de pānis temper. c. 30. Julius Clarus in practic. §. fin. q. 60. & alii; imo confitenti, ac seipsum deferenti etiam quandoquā parcitur, ut habetur Proverb. 28. ibi: *qui confessus fuerit scelera sua, misericordiam consequatur.*

1433. Sed his non obstantibus standum est pro decisione Innocentii III. in dict. c. 2. nimurum, quod quis puniri possit pœnam ordinariā, si postquam etiam sponte Confessus est crimen in judicio, secura est inquisitio, & confessus per illam deprehendatur Reus; quia sic non punitur ex vi judicij per Confessionem; sed inquisitionem. Hinc ad i. in contrar. n. 143 i. Resp. maiorem esse veram; quando proceditur per viam accusationis; non autem, si per viam inquisitionis; hinc datā min. & observatā jam allatā distinctione, N. conseq. datā pariter subsumptā, sub eadem distinctione N. conseq. Verum est, quod in dato casu Canonicus ille Bethlehemiticus, in judicio iponit, ac solū incidenter confessus Simoniam à se collinquitam in electione, receptā pecuniā, ut uni daret suū votum, punitus fuerit pœnā depositionis ab officio, & beneficio; quæ est pœna ordinaria Clerici Simoniaci (c. Per inas. de Simonia) sed verum quoquā est, quod non tam ex confessione incidenter facta in judicio, quām ex formā processu per viam inquisitionis damnatus fuerit ordinariā pœnā; maximē cū Simoniaco, per inquisitio- nem detecto, imponendam esse pœnam ordinariam constat. *Ex c. Inquisitionis, de accusat.*

1434. Ex his postremis verbis patet etiam responsio ad 2. in num. 1432. Negandum enim est, Judicem teneti, minuerē semper pœnam ordinariam, quoties extra ordinem de causa cognoscit; cum etiam tali casu possit, si ei expediens videatur, pœnam delicti ordinariam infligere consideratis delicti, & personarum circumstantiis, ut tradit Anguianus l. 2. de Legib. c. 6. num. 22. quem citat, & sequitur Gonzalez ad dict. c. 2. b. t. num. 7. Malè autem supponit objectio, quod in casu quo incidenter Confessus crimen in judicio, per viam inquisitionis inventitur Reus criminis confessi, Judge, infligens

pœnam delicti ordinariam, procedat ex intentione Actoris; sic enim aliud est judicium, in quo ventilatur intentio Actoris; aliud, in quo quæstio criminis; unde in hoc casu dictus Canonicus non potest dici punitus ultra intentionem Actoris; quia sententia pœnalista non fuit, nisi in judicio inquisitionis lata; non autem in judicio super causa, & controverbia elec-tionis.

Ad 3. in eod. n. 1432. Resp. transmitendo, mitius puniri, sponte confessos crimen in judicio, quando ad pœnam imponendam proceditur ex sola Confessione judiciali; non autem, quando non tam ex confessione delicti facta solū incidenter, quām factō processu per viam inquisitionis; nam de illo, non autem isto casu loquuntur jura inibi allegata. Nec obstat r. Quām sit. c. de excessib. Pralat. ubi Clericus, tantum propter jaētantiam (quia publicè confessus est, se cognovisse Virginem jam Viro desponsatam) ab officio, & beneficio suspensus est. Nam in dato casu scandalosa illa, & publica jaētantia; ad judicium delata; & legitime probata, punita fuit; non autem crimen, de quo jaētabundè confessus erat; cūm esset tantum extrajudicialis, quæ etiam probata, quod facta sit, non inducit probationem, sed tantum præsumptionem delicti; adeoque non ex illa, sed ex dato scando, ritè probato, processit Judge ad pœnam; quo nihil conficitur contraria dicta.

Præter hæc hot. Vocem confessionis tripli-citer usurpari. 1. propriè pro manifestatione proprii actus; 2. minus propriè, pro jaētantia; 3. minus impropriè, pro cautione. Unde etiam in jure non semper eodem modo accipitur; primo modo accipitur in iii. de Confess. tam in ff. quām Cod. item in c. de crimine 15. q. 5. ubi dicitur, quod si Clericus sponte fuerit crimen confessus, vel legitimis testibus approbatus, canonica feriatur sententiā; & c. fin. ibid. ibi: unde, si examinante Episcopo causam Presbyteri, vel Diaconi, non fuerit per testimoniū approbationem Presbyter, vel Diaconus forte convictus, non est scelus Episcopō legitimè manifestum; nisi sua sponte scelus ipse confiteatur. Quod, nisi fecerit, interim non videmus, suo debere Presbyterum; vel

Tom. II.

Yy

Dia-

Diagonum officio privari. Sola ergo spontanea confessio, & Canonicus numerus, qualitas testium (decernentibus Episcopis, & accusatore, quod objecerat, comprobante) Clericum privat proprio gradu; item in c. fin. de ætate, & qualit. ubi Calensis Episcopus, confessus suam penitus illiteraturam coram summo Pontifice, ab administratione illius Ecclesiæ penitus remotus est; &c. Secundo modo accipitur in c. *Quām sit grave 9. de excessib. Prælat.* ubi dicitur, suspendi debere Clericum, qui de suo crimen publicè gloriatur: tertio modo accipitur in L. si Patronus 20. ff. de donat. §. de illo, ibi: *de illo dabitari potest, qui, quod per Falcidiam retinere poterat, voluntatem testatoris secutus spopondit se daturum; sed magis est, ut non possit suæ confessioni obviare.*

1437.

Not. 2. glossam in c. 2. h. t. distingue-re inter eum casum, quo crimen *incidenter* in judicio confessum attingit negotium principale, ac in eo involvitur; & inter illum, in quo illud non attingit; & hac distinctione observatâ respondere ad quæstiōnem controversialē, de qua n. 1430. dicendo, si crimen in judicio etiam incidenter confessum attingat causam principalem, puniri posse poenā ordinariā; non autem, si secus; & sic intelligendam decisionem Papalem in cit. c. 2. ducto argumento. 1. quia de connexis est idem judicium; 2. quia in c. 1. de except. non punitur testis falsum deponens, *præsertim*, ubi crimen ei objectum, causam, de qua agitur, contingere non videtur; ergo ubi contingit, secus est; 3. in c. per inquisitionem 16. de elect. ubi testis suspenditur ab officio, qui confessus est in judicio, se scienter indignum elegisse; 4. quia in L. 2. §. si publico, ff. ad leg. Jul. de adulst. ubi mulier de Adulterio à Marito accusata, illi opposuit exceptionem lenocinii, Maritus ut leno poenā ordinariā afficitur. Igitur quia, si crimen incidenter detectum attingat negotium principale, poenā ordinariā vindicari valet. Unde cùm in præsenti specie crimen Simoniz contingere negotium principale, rectè potuit Canonicus Bethlemitanus poenā ordinariā plecti.

1438.

Sed ad 1. Resp. in dispositione poenali

non rectè argui identitatem poenæ inter connexa; cùm possit inæqualis esse ratio mali, consequenter ratio meriti ad poenam. Ad 2. ex c. 1. de exceptionibus Resp. quod non agat de casu *confidentis* crimen in iudicio; deinde ex hoc, quod dicat testem in iudicio convictum de criminis, contra eum excepto, repellitur quidem à testificando; de crimen non puniti, *præsertim*, ubi crimen, quod objicitur, causam, de qua agitur, contingere non videtur; non sequitur, quod solum, seu tantum tunc de crimen non puniatur, quando causam non contingit (nam *ly præsertim* solum denotat hunc casum, quando causam contingit, esse minus dubitabilem) sed etiam quando contingit; ratio redditur in textu: quia *accusatio secundum juris ordinem non procedit*, ubi solum convincitur de criminibus *ad solum exceptionem* objectis. Ad 3. ex c. per inquisitionem. Resp. quod Cancellarius privatus non fuerit beneficio, propter crimen (quod indignum elegerit scienter) *incidenter*, sed *principaliter* confessum; at quia à Judicibus delegatis in commissa inquisitione in capite, & membris etiam inventus est Reus Simoniz, quam Confessus non erat; & ex hoc privatum officio, & beneficio; non autem ex confessione, quod indignum elegerit. Ad 4. ex L. 2. Resp. in cit. Q. *Ex publico*, hoc non dici; verba ejus sunt: *si publico iudicio Maritus Uxorem Ream facit, an lenocini allegatio repellat Maritum ab accusatione & putem non repellere: lenocinium igitur Mariti ipsum onerem, non mulierem excusat*; ubi nulla *bentio* poenæ ordinariæ; sed tantum onerari Maritum exceptione lenocinii, ut inquisitione deprehensus Reus, subeat lenocinii poenam.

* * *

* * *

* * *

QVAD